Dissertatio medica inauguralis exhibens foetum e rupto utero in abdomen prorumpentem ... / eruditorum examini subjiciet Christianus Fridericus Pistor.

Contributors

Pistor, Christian Friedrich.

Publication/Creation

Argentorati : Literis viduae Johannis Pastorii, [1726]

Persistent URL

https://wellcomecollection.org/works/ja26bpkb

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org

DISSERTATIO MEDICA INAVGVRALIS EXHIBENS FOETVMERVPTO VTERO IN ABDOMEN PRORVMPENTEM, QVAM PRÆSIDE TRIVNO. EX DECRETO ET AVCTORITATE GRATIOSÆ FACVLTATIS MEDICÆ IN ALMA ARGENTORATENSIVM VNIVERSITATE, PRO LICENTIA SVMMOS IN MEDICINA HONORES ET PRIVILEGIA DOCTORALIA RITE CAPESSENDI, SOLENNI Éruditorum Examini fubjiciet CHRISTIANVS FRIDERICVS PISTOR. STVTTGARDIA- WÜRTEMBERGIEVS. AD D. XVIII. OCTOBR. ANNO M DCC XXVI. ARGENTORATI, LITERIS VIDUR JOHANNIS PASTORII.

Digitized by the Internet Archive in 2019 with funding from Wellcome Library

https://archive.org/details/b30776028

SERENISSIMO POTENTISSI MOQVE PRINCIPI AC DOMINO,

DOMINO EBERHARDO LVDOVICO, WÜRTEMBERGIÆ ET TECCIÆ DVCI,

COMITI MONTISBELIGARDI, DYNASTÆ IN HEYDENHEIM,

Gc. Gc. Gc.

SACR. CÆSAREÆ MAIESTATIS ET S.ROM. IMP. NEC NON INCLYTI CIRCVLI SVEVICI CAMPI-MARESCHALLO GENERALI,

DVARVMQVE LEGIONVM EQVESTRIS CÆSAREÆ ET SVEVICÆ PEDESTRIS CHILIARCHÆ.

> Principi ac Domino Suo Clementissimo.

NEC NON SERENISSIMO PRINCIPI AC DOMINO, DOMINO FRIDERICO LVDOVICO. WŸRTEMBERGIÆ ET TECCIÆ DVCI, COMITI MONTISBELIGARDI, DYNASTÆ IN HEYDENHEIM, Gc. Gc. Gc. EQVESTRIS INCLYTI CIRCVLI SVEVICI LEGIONIS CHILIARCHÆ, Domino Suo Clementi/fimo. Qualecunque hoc SPECIMEN INAVGVRALE cum devotissima animi submissione Dat, Dicat, Confecrat, & se suaque studia humillime commendat SERENISSIMARYM CELSITVIDINVM **SVARVM** subjectissimus bumillimusque Cliens ac Subditus CHRISTIANVS FRIDERICVS PISTOR, STVTTGARDIA - WÜRTEMBERG.

06 (I) 500

PRÆFAMEN.



Enerationis humanæ negotium, si quod aliud in œconomia animali abstrusum est & miraculis plenum, adeoque Mysterium a Naturæ Mystis tam vere quam pie nun-

cupatum. Sive enim primordia ejus, conceptionem puta & ovuli in matricem, fœcundiffimum Naturæ arvum, ingreffum confideres, five etiam spectes ejus progressum, nempe nutritionem, foctus augmentum, tempus item, quo Anima rationalis corpusculo infunditur, nec non causam, qua tum eædem animi inclinationes, tum etiam corporis-lineamenta vultusque similitudo aliæque impressiones a Parentibus embryoni communicantur, five denique attendas generationis hujus finem seu partum, quo foctus jam perfe-Etus & aëre locoque liberiore frui cupiens ex hoc suo ergastulo, in quo per novem menses non tam hospitatus, quam potius impactus erat, per vias adeo angustas magno cum nisu erumpit. Ut Ut taceam vias extraordinarias & p. n. quas natura, fi partus naturalis ex voto minus fuccedit, plurefque ob caufas contingere non valet, quibus hofpitem faum eliminet, non raro invenit. Hæc fi quis paulo attentiore animo perpendit, tot & tanta in hoc negotio reperiet admiranda, quæ conceptum humanum fuperant, & intellectui impervia funt, ut merito cum *Lucretio* exclamet:

06(2)90

Multa tegit sacro involucro Natura, neque ullis Fas est scire quidem mortalibus omnia, multa Admirare modo, nec non venerare.

Ad quæ infolita jure meritoque etiam referas illos casus, quibus gravida quandoque rupto utero in seipsa parit, suæque proli in abdomen propulse, dum matri mortem accelerat, vicisim fepulcrum parat; id quod raro utique exemplo accidit, & inauditum istud diceres, nisi aliquot historiæ in Recentiorum monumentis extantes fidem huic rei adstruerent. Cumque in Theatro Anatomico, quod hic loci eft, anno superiore fimilem casum de foctu per uterum ruptum in abdomen erumpente intueri mihi contigit, operam non male locaturum me arbitror, eum L. B. exhibere, & loco Differtationis Inauguralis pauca quædam de eodem commentari. A quo etiam veniam me impetraturum spero, si forsan hic ingenij mei fœtus, utpote labor juvenilis, non omnibus numeris perfectus fuerit, neque à nævis immunis, sed potius magna ex parte deformis de-

€ (3) Se

deprehendatur. DEUS T. O. M. qualicunque meo conatui clementer adsit!

Hiltoria.

Nnupta stupidioris ingenij, & quadragenaria major ab illicito & clandestino amore impragnata, postquam in Nosocomium bujus Urbis recepta fuerat, post brevem ibidem moram genuinis partus doloribus corripitur. Obstetrix ordinaria re probe examinata, partum instare inde augurata est, quod non modo internum uteri osculum aliquantulum biare observavit, atque ruptis secundinis aque cum pauco sanguine permiste effluxere, sed & caput embryonis tactu explorare ex parte ipsi licuit, Quia vero fætus proprio nisu erumpere non potuit, tum dicta obstetrix, tum etiam Chirurgus ordinarius manum operi admoventes, extractionem ejus sed irrito conatu moliti sunt. Partus dolores & labores continuarunt quidem, sed expellendo bospiti impares erant, neque gravida eos rite promovere poterat ob staturam corporis justo minorem, qua impediit, quo minus parturientium sella commode insidere, aut manibus, que solito breviores erant, inniti debito modo potuerit. Intermedio tempore, quo à doloribus respirare ipfi licuit, satis bene sese habebat, & de insigni licet virium prostratione conquesta, nunc in bypocausto deambulavit, nunc iterum lecto se commisit, nunquam vero lipothymia tentata est. Quarto à primis laboribus die dolores, qui antea multum remiserant, sensim prorsus evanuere, fætumque sursum retractum esse mox observatum, eo quod caput ejus tactu percipi amplius non potuit. Quare ut illos revocaret, lecto iterum furrexit, A 2 quo

05(4)50

quo facto convulsione superveniente subito ad terram prostrata est. Brevi quidem ad se rediit, sed motus convulsivi secunda & paulo post tertia vice illam concusserunt. A remediorum convenientium usu mentis iterum compos facta, initium sequentis diei satis bene transegit, post meridiem vero subito mutata fuit, & qua toto gestationis tempore vivido vultu conspicua erat, pallescere potissimum labits capit, & cadaverosam faciem præ se tulit. Accedente posteamentis abalienatione, oculos, nonnisi acclamationibus excitata, aperuit, donec tandem viribus magis magisque exhausta animam efflavit, postquam quinque integros dies in partus laboribus transegerat. Ab illo tempore, quo dolores evanuere, abdomen præter modum tumefactum, qui tumor, si forte lateri sinistro incubuit, in regione hypochondriaca ejusdem lateris, & umbilicali maxime erat. Ab iis, qui intimius illam noverant, compertum babeo, eandem decem abbinc annis gemellos utero gestasse, & favente Lucina feliciter enixam esse.

Quia & Medicus ordinarius Exper. Dn. D. Moffeder, & Chirurgus disti Nofocomij non obscure ominati sunt, aliquid extraordinarij hic subesse, Theatro Anatomico illatum cadaver est, ut quid illud esse, investigaretur, quo exterius perlustrato ante omnia abdomen præter morem tumidum conspiciebatur, & corpus veluti quoddam in hypochondrio sinistro costis spuris impastum palpari poterat, quod versus regionem umbilicalem, inde hypogastricam dextram oblique exporrigi videbatur. Dissettis abdominis integumentis flatus cum impetu erupere, & sanguis in copia effluxit. Quod vero præsentes in admirationem potissimum rapuit & novitate rei attonitos veluti reddidit, erat, quod infolito

06 (5) 50

lito prorsus spectaculo foetum sexus muliebris (à quo tamen cuticula undique præprimis in facie abscedebat) in ventris bujus cavitate extra uterum intuiti sunt, qui capite ad bypochondrium sinistrum situs ab intestino colo atque omento ad humeros usque occultabatur, reliquum corpusculi oblique deorsum exporrectum erat, natium dextra supernæ ossis pubis sedi accumbente uterumque omnino abscondente. Qui uterus in fundo sine labe erat, non aque collum ejus aut cervix, qua parte laterali dextra rupta tanto foramine biabat, ut fætus transire potuerit, cujus pedes præprimis sinister dicto collo insistebant, reliquis abdominis partibus, quantum observare licuit, nibil p. n. habentibus. Placenta uterina una cum secundinis bene constituta in bypochondrio dextro locata erat hepati incumbens, sed mox post apertionem cadaveris ad iliacam regionem delapsa, cui æque ac fætui funiculus umbilicalis connectebatur. Insuper notabilis sanguinis tum fluxilis tum etiam grumosi copia in abdominis cavo fluctuabat.

§. I.



Ntequam historiam fœtus nostri dedu-cam paucis annotare liceat, plures hinc inde in Scriptorum monumentis prostare observationes embryonum qui præter ordinarias naturæ leges vel in variis corporis locis hospitati sunt, vel per vias insolitas inde eruperunt, veldenique ultra consuetum tempus in utero commorati fuerunt. Ex illis, qui extra uterum geniti fuerunt, quidam reperiebantur tubæ Fallopianæ inclusi & velut impacti, atque ob suffi-

cien-

cientis nutrimenti defectum emaciati & sceleto quam foctui similiores, quorum exempla exhi-bentur in Regn. de Graaf de org. mul. Act. Acad. Reg. Sc. 1701. Or 1702. Act. Anglic. vol. 7. p. 385. Matth. Tiling. tr. de fæt. extr. uter. cavit. in tub. concept. Job. Sigism. Elsbolz. Ep. pec. de concept. tub. ad D. D. Wohlr. Huxboltz. & Abrah. Cyprian. Ep. de fæt. hum. post 21. mens. ex uter. tub. excis. ad Th. Milington exarata Hift. Acad. Reg. Sc. 1714. men tionem facit fœtus facco peculiari ab exteriore tubæ membrana formato inexistentis, & Job. Riolanus Anthropogr. 1. 2. c. 35. quatuor exempla foctuum in tubis existentium habet, conf. Marquard. Prax. cap. de mol. ut multa alia filentio præteream. Non possum tamen, quin verbo mentionem injiciam visi reperti fœtus 46. annorum globulo offeo involuti, tum quia cafus plane admirandus in Suevia contigit, tum etiam quia raritate fua tantum non omnes alios longe post fe relinquit, & plura forfan fecula decurrent, priufquam fimilem observare licebit. Modo certo constaret de loco, in quo dictus embryo per tot annorum spatium latuit; quia vero foemina illa secunda vel tertia vice post enixa partus est, eum in alterutra tubarum degisse non fine ratione judicatur in Diff. Inaug. quam de fæt. 46. ann. Pr.ef. Exc. D. D. Rud. Jac. Camerario in lucem edidit Exper. D. Orth. Tub. 1720. ad quam B. L. remittimus. Quorum phænomenorum cause vel nimiæ oviductus, qua utero adhæret, angustiæ, vel deficienti aut saltem segniori fibrarum motricium motui, vel etiam lento humori ibidem contento & 0-

06 (6) 50

& ovulum agglutinanti non male adscribuntur, quæ idem in medio itinere intercipiunt & intra hosce cancellos detinent, post ab aliquot vasculis nutrimentum accipiens rudimentum utcunque in actum deducitur. Foctus deinde grandior factus intra tam angustos limites coërceri non potest, hinc tuba disrupta in abdominis cavum prorumpit. vid. Act. Acad. Reg. Sc, 1702.

§. II.

Neque desunt à solertioribus phænomenorum p.n. indagatoribus confignatæ historiæ, quæ foctus in abdominis cavo generatos exhibent, idque inde oriri autumo, quod vel altera tubæ Fallopianæ extremitas p. n. coaluit. vid. E. N. C. Dec. 2. ann. 5. obf. 63. vel ornamentum earum foliaceum cum uteri ligamento agglutinatum est, quod Dom. de Marchettis Anat. cap. 7. se vidisse perhibet, vel quod illa ipfa sefe non rite explicat ovariumque amplectitur ; vel etiam vitio ovuli justo majoris, ut tubam ingredi non valeat; vel quacunque alia de causa istud in abdominis cavum delabitur ibique velut errabundum vagatur, donec alicui parti forte adhæreat, ab eaque aliquid nutrimenti emendicet, uti Act. Anglic. l. c. ovula variis abdominis partibus annexa demonstrant & verosimile est, ejusmodi ovulum, ubicunque vasa sunt, adhærere, cum his coire, & alimentum recipere posse. Hist. Acad. Reg. Sc. 1716. foctum in hypochondrio dextro locatum placenta vertebris adhærente memorat. Item Cl. Rau alium magnitudine nucis exteriori uteri fuper-

superficiei adhærentem observavit, in qua omnium artuum vestigia jam apparuerunt. Sic & notissima est historia foctus Mussipontani extra uterum in abdomine geniti, & per plura lustra ibidem hærentis, de qua legi merentur Anton. Deu-Singij, Laur. Straussii, Job. Dan. Horstij aliorumque commenta hac de re edita pec. tract. Francof. 1669. qui cum nostro convenit quod 1. foetus bene formatus, uti fertur, & omnibus numeris absolutus erat, 2. in abdominis cavo extiterat, 3. mater exili corpore & exiguæ admodum staturæ erat; ab eodem vero discrepat, quod 1. hujus uterus nullo prorsus obductæ cicatricis vestigio, nullo ftigmate violatus sed integer erat, adeoque 2. foetus extra uterum conceptus, 3. per plures annos ibi latuit, 4. quinque retinaculis firmisfimis cum peritonzo, intestinis aliisque partibus cohasit, 5. denique velut lapidescebat & facies præprimis gypsea materia obducta suerat. Que historia multis suspecta est præ aliis Thom. Barthol. de rei veritate dubitanti, qui Cent. 3. Ep. 8. Or 84. plures rationes allegat, & Guid. Patinus istam pro fabula & farçasmo quodam venditat. Non minus admirandus est casus vel Tolosaniepiploo firmiter annexi vel Aurelianensis foetus; illius per 25. annos in abdomine hærentis historiam publici juris fecit Franc. Bayle Tom. 3. Inft. Phys. & Blegny Zod. Med. Gall. ann. 1. obf. 9. hujus inter uterum & intestinum rectum constituti meminerunt E. N. C. Dec. ann. 1. obf. 110. & Monconn. T. 2. Itin. Ital. 2. Obiter hic annotare adhuc liceat, partum Tolosanum in utero prius hospita-

06 (8) 500

tum

06 (9) 500

tum fuisse, id quod inde patet, quod hæc pars in fundo ulcere tentata fuerat.

S. III.

Non minus hinc inde leguntur exempla foetuum, qui per loca prorsus extraordinaria è corpore materno post longiorem vel breviorem moram ibifactam eruperunt, de quibus prolixe egit Th. Bartholin. de infolit. bum. part. viis, dum alij per abscessum, alij per umbilicum, alij per intestinum rectum & anum exiisse feruntur, vid. Henr. à Roonbuyf. l. 2. obf. 1. fimile quid observavit Dn. de Littre, nempe ulcere intestini recti prægresso ossa fœtus per alvum partim sponte excreta, partim manu Chirurgica extracta effe perhibens Act. Acad. Reg. Sc. 1702. alios per os rejectos esfe nobis perfuadent Cafp. à Reies Camp. Elys. juc. quast. 91. & Salmuth. cent. 2. obf. 94. ex iliis prodiisse alium memorat Polius Hemerol. Silef. Vratisl. in vefica urinaria alium extitisfe refertur in E. N. C. cent. 5. & 6. obf. 20. quorum aliqualia, quia fidem superant, à multis assensum vix merentur. Cl. Bartholinus quidem in patrocinium hujus rei à multis adducitur loc. cit. hunc in modum loquens : vias quidem nobis esse obscuriores, neutiquam tamen Natura, cui ubique pateat corpus humanum, binc alium quemcunque locum capacem & calore tepentem ad fuetus conformationem, quamquam non ad exclusionem aptum este posse. Verum idem Bartholinus Cent. 3. Ep. 8. monere videtur, ne hæc ipfa ad omnes casus extendantur, dum, temere, inquit, monstrosis observationibus, qua vim consuetanatura inferunt, non credimus, quia

06 (10) 50

quia sæpe nos otiosa ingenia & faceta deludunt, nonnunquam & lucri spe multa finguntur, qua nusquam neque picta fuerunt neque scripta, non raro quoque inventis & visis sive ex ingenio, sive ex ignorantia additur. Plura ejusmodi exempla hinc inde à rerum Medicarum observatoribus & scriptoribus annotata in medium proferre possem, si animus mihi esset talia congerere; quin potius iisdem recensendis supersedeo, vel quia hæc ab aliis jam tractata, vel etiam quod ab instituto meo aliena esse videntur.

§. IV.

Non multum etiam immorabor historiis foetuum, qui luce, antequam illam viderant, privati ultra consuetum tempus & quandoque diutislime in domicilio ordinario, uterum maternum intelligo, aut etiam extra eundem commorati fuerunt, modo fine putrefactione sed non absque induratione & exficcatione fubsecuta, modo vero & quidem frequentius corp iculo in putrilaginem abeunte, quarum plures Zacchias Quaft. Med. Leg. L. I. tit. 2. quast. 6. recenset, meminit nempe eorum, qui biennio, triennio & quadriennio ibidem gestati fuerunt. Sic & foctus 20. mensium Epbemer. Vratisl. Tent. 7. item 16. annorum Th. Barthol. Cent. 6. Ep. 62. it. 26. & 28. annorum E.N.C. Dec. 2. Ann. 8. obf. 134. & Job. Albosius, qui integrum de Lithopædio tractatum in lucem emist, & 25. annos Journ. des Sçav. 1683. memorant. conf. Mauriceau. 1. c. obf. 245. E. N. C. Dec. 1. ann. 9. obf. 162. De lithopædio Mulfipontano vel Senenfi pari-

A (11) 30

pariter ultra quinque lustra in alvo materna degente plura habet hift. foet. Mussip. supra alleg. Quibus addere liceat foetum 46. annorum, cujus supra S.1. mentionem quoq; fecimus, quique ante fex & quod excurrit annos in Suevia vifus, cui fidem forsan denegabit posteritas & nos forte etiam denegaremus, nisi nostra memoria contigisset, & testes oculati numero plures nos convincerent. His subjungimus Schenckium, qui 1. 4. observ. tit. de part. aliquas etiam annotavit, sed fabulis & portentis annumerat, & pari illas loco constituit cum fabula illa apud Trigant. l. 1. de Christ. exped. ap. Sin. c. 10. qua fabulantur Chinenses quendam eorum Philosophum nomine Lauzu 80. annis in matris alvo fuiffe gestatum. Non vero tanta sum pervicaciæ, ut tot eruditorum hominum testimonia in dubium vocare audeam. Paucis potius inquiram in moram, qua intra abdominis latebras illi à corruptione immunes latuere stupendam ejusque causas, quas quæsivisse non quidem detrectat animus curiosus, verum invenire & astequi tantum non desperat. Frid. Ruyschius soli aëri ejusque commercio hunc effectum adscribit, unde Advers. Anat. Dec. 2. experientia, uti ait, edoctus, contendit mortuum in matrice infantem non putrescere in pus, neque in ichorem resolvi, sed flaccescere modo & laxum evadere, quamdiu os uteri probe obturatum manet (adde & fœtus membranis involutus est) eo vero aperto admissoque aëre illico in putredinem abire. Uti & alia corpora ad corruptionem prona ab illa præservantur, modo aëris accessus inde arceatur, uti fru-B

fructus arborum vitro probe obturato aut antliæ pnevmaticæ inclusi. Quod si vero juxta Franc. Mauriceau l. c. obf. 500. huic cause modo allegatæ qualitatem salinam, qua aquæ imprægnatæ sunt, adjongere alicui placeat, ei quidem non refragabor, hoc folum monens, quod notabilis falium copia fine noxa & erofione tenelli corpusculi hic admitti vix possit. Franc. Bayle rem magis determinans, fuccum acidum in epiploo existentem accusat, ideo maxime, quia foctus ipsius huic parti connexus fuerat, quod acidum partes volatiles figere & soliditatem inducere aptum natum esse credit. Cui alij respondent, salis fixi parum ineffe animalibus, & volatile corruptionem magis promovere quam impedire, quia fermentationis auctor est, uti idem è Chymicis patet. Neque etiam frigori, quod corpora naturalia farta tectaque alias conservat, hic effectus verosimiliter adscribitur, utpote quod in homine vivo merito exulat; neque ficcitati, qua dicta corpora naturalia ab interitu pariter vindicantur, quippe cui humida loci accelerandæ putredini opportuni constitutio obstat, & partes humoribus diffluunt, quamvis aquæ, cui innatare embryo folet, jam effluxerint. Quas difficultates si mecum pondero, cum acutifimo Scaligero ingenue fateor, nos in tenui rerum luce caligare, in mediocri cæcutire, in majori cæcos effe; cordati proin hominis effe, quædam æquo animo velle ignorare.

05 (12) 50

S. V. Sed ut propius ad institutum meum accedam, me non latet, non deesse casus, imo non pau-COS

€ (13) Se

cos numero prostare fœtuum plene & plane formatorum, qui perrupto prius utero, sive naturaliter sive etiam p. n. constituto, in abdominis cavitatem vel toto corpore vel quibuídam ejus partibus transierunt, & in insolito hoc hospitio diutius vel brevius commorati funt. Dum autem observationes in numero haud adeo exiguo hac de re factas esse pronuntio, id ipsum non impedit, quo minus illa, quam supra exhibui, rariorum catalogo adscribatur. Quodsi enim quis perpendit, insignetemporis spatium ne dicam plura lustra præteriisse, antequam aliquoties dictæ uteri rupturæ curiofis sele obtulerunt, inter rariora referri illæ utique merentur. Dum vero de utero rupto sermo mihi est, illa phænomena intellecta non volo, quibus hoc viscus violenta obstetricis manu, aut instrumentis in fœtus extractione adhibitis rudius tractatum, læsum atque infelici enchiresi dilaceratum suit, qualia apud Mauriceau l. c. obf. 26. & 147. annotata legimus. Quin potius de illa uteri ruptura quædam in medium proferam, quæ à causa magis interna arcessenda est, quaque fœtus nunc caput, nunc pedes manusve, qua data via est, in abdomen exerit, nunc etiam toto corpore erumpit. Fabricius Hild. cent. 1. obf. 64. Or 67. refert de infante, qui tentato exitu matricis fundum dilaceravit, totoque capite in ventris infimi capacitatem prominuit, & cent. 4. obf. 57. de alio transverfim ibidem locato pedemque finistrum in dictam cavitatem exerente manu dextra in uteri cervicem propendente. Pariter Sal. Reusselius E. N.C. Dec.2. ann.

B

000

ann. 7. obf. 10. meminit uxoris civis Stuttgardiani, in cujus cadavere, postquam partu nono periit, foctus medio corpore utero egressus repertus est, natibus pedibusque inibi relictis, cui subjungit aliam observationem à Dn. Witzel Phys. Francof. ipfi communicatam, qua medium uteri scirrhosum redditum, post disruptum hospiti suo exitum concessit. Sic & in E. N. C. Dec. 2. ann. 9. obs. 115. memoratur, aurifabri conjugem quater distocia laborantem mortuos foetus enixam esfe, cumque quinta vice in partus laboribus effet, post fragorem exauditum dolores cessasse, matremque horrore correptam obiisse; post mortem uterum tanto foramine hiasse, ut pugnus intromitti potuerit, perque hoc fœtum in abdomen penetrasse; & Dec. 3. ann. 5. & 6. obf. 133. similis ruptura in collo uteri non procul ab orificio interno, item Dec. 1. ann. 2. obf. 284. alia in fundo ejusdem ulcere gangrænoso prægresso exhibetur. Non minus Cl. Lascher in Diff. obf. de hom. sel. quæ 1722. Wittenbergæ prodiit obs. 12. perhibet se embryonem à difficili partu in abdomen prolapsum bis vidisse conf. Salmuth. cent. 1. cbf. 60. Similes uteri rupti historias nunc in fundo, nunc in cervice factas & foctus in abdomen erumpentes memoriæ prodiderunt Fr. Mauriceau l. c. ob/.251. Plazzonus l. 2. de part. gen. c. 14. Stalp. van der Wiel cent. 1. obs. 66. & cent. 2. part. pr. obs. 30. Courtial. obs. Anat. 10. & in bist. fæt. Muffip. exemplum refertur fœminæ, quæ 4. ante partum septimanis prona in terram delapsa sonum quendam veluti crepaturam audivit, & reliquo gestationis tempore pallida

06 (14) 50

lida & triftior de pondere abdominis conquerebatur, in cujus alvo post mortem sanguis copiosus & foetus integer nulla putredine infectus neque foctore gravis repertus est, utero tanto hiatugaudente, ut pomum granatum difruptum referret. Si cui plura hac de re nosse volupe est, adeat Cl. Job. Maur. Hoffman. Dig. corp. hum, Anat. path. Spec. 9. §. 23. Extraordinarium vero est, quod Henr. à Roonhuysen narrat, nempe ejusmodi soetum intestino colo tam firmiter agglutinatum fuisse, ut separari ab eo sine forcipe haud potuerit. Inter omnes vero hosce casus vix alius meo ita similis est ac ille, qui in Diff. de fæt. ex uter. matr. mort. matur. exscind. que Pras. Cel. Laur. Heistero 1720. Altorfii in lucem prodiit, extat, in quo subjectum patiens pariter ac nostrum toto gestationis tempore de nullo morbo vel singulari symptomate conquestum fuerat, de reliquo florido faciei colore conspicuum erat, placenta & secundinæ optime constitutæ. In aliquibus vero à nostro differt, quod 1. illic matrix in latere siniftro, hic vero in dextro cervix perrupta. 2. in illo uterus circa oras rupturæ nigricans, tenuis & quasi putridus, in hoc vero præter aliqualem inflammationem nihil tale visum. 3. in illo caput infantis ad faciem usque, in hoc vero totus foetus finistro pede excepto per aperturam penetraverat.

06 (15) 30

§. VI.

Id, quod modo innui, manu quasi me ducit ad foctum nostrum paulo accuratius examinandum, pluresque circumstantias, quæ in illo notatu dignæ

gnæ occurrunt, specialius enodandas; quod dum facere aggredior non male factum iri confido, fi præcipua momenta aliquot quæstionibus problematicis complectar. Sit itaque Quaft. prima: An fatus noster, quia uteri cervici per aliquod tempus impactus basit, respirare jam inceperit? Pro negativa opinione plura militant, & quidem 1. quod nondum in lucem editus fuit fœtus; jam autem apud omnes in confesso est, embryonem quamdiu in utero degit, respiratione destitui, imo & fecundinis involutum, sed extra uterum existentem per aliquot horas absque aëris commercio superesse posse; sin vero semel aëris usura fruitus est, eum absque vitæ jactura ne per momentum hoc elemento carere posse, uti Guil. Harveus de gener. anim. exerc. de part. peculiari problemate id ipfum evincere conatur, conf. Hartfieck. cont. conj. pbyf. p. 129. cujus rei ratio eft, quod fanguis in foctu aliam, quamin adultis viam ingreditur, pulmonesque maxima ex parte præterlabitur, quem cursum servat in sætu utero licet excluso membranis vero concluso, quamprimum vero ille unica tantum vice aërem hausit, sanguine ad pulmones ruente dictæ viæ mutantur, quo facto aër, ut circulus ille perennet, absolute necessarius est, uti id erudite deduxit Archib. Pitcarn. Diff. 4. de cauf. divers. mol. qua fluit sang. per pulm. in nat. or non nat. 2. loci angustia atque continua uteri constrictio foctum nostrum comprimens atque in angustum cogens huic respirationi obicem posuisse videtur. Me quidem non latet aliquando contingere, ut ille aliquandiu in uteri vagina hærens

06 (16) %

06 (17) 96 hærens aërem eo delatum intra corpus affumat. quibus Cl. Bohn. de Offic. Med. Forenf. c. 6. subscribit contendens, fœtum in partu existentem atque intra uterum adhuc hærentem aëris portionem per vaginam admissam in pulmones suos recipere valere, quantum ad hos tantifper explicandos atque natatiles reddendos sufficit, nihilominus postea mortuum exturbari. Præter rationes, quæ adduci possent, idem non obscure comprobat experientia de vagitu infantis, quem quandoque exaudiri certum est, quemque fine prævia inspiratione fieri posse, nemo facile assert; quamvis negari è contrario nequeat, hunc fonum auditum non semper fœtui sed non raro flatibus deberi, quos extra graviditatem quandoque, frequentius in gravidis è matrice erumpere vult Fr. Mauriceau I.c. obf. 105. Or 110. Quodfi vero quis serio perpendit, sœtum, de quo agimus, non in vagina, sed in uteri cervice adhuc latitasse, iste facilis non erit respirationem ejus stabiliendi. Quippe fi vel maxime largiar, hanc actionem locum habere interdum illo in cafu, in quo foctus in vagina eft, quæ thoraci sese dilatanti magis cedit, idem concedere non possumus, fiquando in cervice hospitatur, ubi illo undique & undique compresso thoracis dilatatio fieri æque haud potest & fine hac inspiratio concipi nequit. Ejusmodi compressionem & aliqualem constrictionem in vagina pariter contingere non inficior, fimul vero, uti modo dictum, autumo, istam tantam non esse, ut pectoris dilatationi obicem ponere valeat. Quibus accedit, sæpius allegatam dilata-

C

tio-

tionem in prima inspiratione notabiliorem esse debere, quam in reliquis subsequentibus. Neque mihi contrariari videtur Pitcarnij opinio l. c. statuentis, in fœtu prima vice respirante aëris irruptionem antecedere thoracis dilatationem. 3. Labes, quæin uteri cervice post mortem deprehenfa est, quæque non tam in corruptione quam levi aliqua inflammatione consistebat, memoratam partem angustiorem reddidit, adeoque dictam compressionem non parum auxit; 4. foctus noster in abdominis cavo existens respirare non potuit ob notabilem cruoris quantitatem inibi fluctuantem, qui sanguis dilatato etiam pectore loco aërisos & tracheam subiisset: quibus positis fœtus nostri respiratio haud immerito in dubium vocatur. Neque illam evincunt flatus, qui in abdomine erant, & aperto eo cum impetu exierant, utpote qui demum post fœtus egressum uteri osculum ex parte apertum intrarunt, inde per cervicis hiatum p. n. in abdomen penetrarunt. Licet ergo non omni aëris commercio privatus fuerit, hunc tamen respirationi aptum non fuisse, vel si etiam talis credatur, ob locorum angustias pectus non potuisse dilatari statuo.

106 (18) 50

§. VII.

Modo allegatis rationibus fubjungere liceat examen cum pulmonibus institutum, quod eundem non respirasse haud obscure declaravit. Eorum quippe textura compacta erat non laxa, non vesicularis, seu (ut Hippocratis voce utar) respirasse, color non dilute sed obscure rubicundus grat, insuper aquis injecti fundum petebant neque

06 (19) 50 que superficiei innatabant. Post Hippocratem Galenus de usu part. tit. 6. pulmonem in foctu (nondum respirante) rubrum, densum, contractum & ponderosum esse innuit. Jam vero experimentis plurimis sæpius hac de re institutis evictum est, dictos pulmones, si foetus semel tantum neque adeo magnam aëris portionem haufit, aquæ supernatare. Quam docimasiam de pulmonum subsidentia in aqua, vulgo die 2Baffer= Probe mit der Lungen vocatam, plus una vice hic loci in Theatro Anatomico instituere vidi, quo ante respirationem semel celebratam non modo toti pulmones, sed & lobulus unus post alterum, horumque exiguæ portiones nunquam non subsidebant, facta postmodum unica eaque levi aëris inflatione, non folum color in dilutiorem è vestigio mutatus, sed & pulmones aquis supernatabant & simul cor suspendebant. Quod experimentum, utut à plerisque Medicinæ Forenfis Scriptoribus, nec non ab Harveo, Bartbolino, Schwammerdammio, Kypero, Ettmillero, Stalpart van der Wiel, præ aliis à Job. Schreyer Phyf. Cizenf. pec. tr. 1690. Ciza edit. allegetur & commendetur, non omnino tamen firmum, sed lubricum & sæpius fallax esse haud infimi subsellij Auctores contendunt, inter quos primo numerari loco meretur Exc. Dn. D. Zellerus, Archiater Würtembergicus & Professor Tubingensis Primarius undiquaque meritissimus, Patronus meus omni venerationis cultu prosequendus, qui in Diff. 1691. Tubing. habita stabilitum it, pulmonum in aqua subsidentiam infanticidas neque absolvere neque à tortura liberare, 2

06 (20) 50

rare; cui adjungo Cl. Bohnium de Offic. Med. Forenf. qui cap. 6. part. 2. de renunc. diffic. item Diff. de infanticid. neque respirationis actum è supernatione, neque ejus defectum è subsidentia pulmonum in aquis certo concludi posse pluribus confirmat. Conf. Cl. Valentini Pand. Med. Leg. part. 2. Sect. 7. introd. §. 4. & caf. 7. & fegg. Schapffer Diff. erud. de pulm. infant. natant. & Submerg. Præ aliis hanc controversiam prolixe tractavit Paul. Ammann. Prax. vuln. letb. Dec. 6. Hift. I. Quare meo quidem judicio Cel. Bergerus JCtus & Prof. Witteb. in delin. Jur. Crimin. recte hanc pulmonum explorationem medicam probat, fimul vero etiam caute in ea procedendum, pluresque circumstantias probe attendendas esse inculcat; quarum præcipuæ funt L pulmonum fana vel morbofa constitutio, in hac eos à putredine & fermentatione refolvi atque leviores reddi recte judicat Cl. Herm. Frid. Teichmeyer Med. Leg. c. 24. cum quo apprime confentit Cel. Frid. Ruysch. qui referente Chr. Henr. Erndl. Itin. Angl. or Batav. p. 90. fignum foetus mortui à pulmonibus desumptum valde lubricum statuit, eo quod, si cadaverculum à longo tempore jam extinctum & aëri liberiori expositum fuerit, pulmonum structura per supervenientem fermentationem adeo quandoque evertatur, ut supernatent aqua, licet in utero matris extinctus fuerit foctus, 2. diversa aquæ quantitas hoc experimentum quoque labefactare potest, quodsi enim major illa fuerit, pulmones ex aliquorum mente superficiei facilius supernatabunt, quam si minor illa extiterit, qui tamen ex-

experientiam non omnino confentientem ha-Idem 3. diverso modo se habet, prout bent. infans semel tantum & parum, vel sæpius & multum aëris inspiravit 4. illud ideo quoque fallax pronunciatur, quoniam capite exclusus reliquo corpore in partu adhuc hærente respirare & mox expirare potest, de quo phœnomeno Cl. Bobniz verba supra allegavimus. Idipsum 5. confirmat, quod secundinis exclusus nefanda matris manu interfici possit, antequam respirare inceperat. Quibus addo 6. notum esse, quod foctus modo erumpentes quandoque per aliquot momenta non respirent, sed mortui velut jaceant, & à spirituofis excitari atque ad aërem hauriendum invitari quasi opus habeant. Quæ cum ita se habeant, hoc ratiocinium, subsident pulmones ergo non respiravit, firmius esse altero illo, supernatant ergo respiravit & violenta morte periit, falvo aliorum rectius forfan fentientium judicio concludo.

06 (21) 50

S. VIII.

Quia vero actu respirationis etiam denegato nihilominus vivere foctus in utero poteft, quæritur secundo loco utrum fætus noster vivus adbuc, an vero mortuus ex ergastulo suo proruperit? Prius quod attinet conceptu difficile eft, qua ratione uterus non modo è finu suo expellere, sed & ulterius eum in abdominis cavitatem ad hypochondrium finistrum usque promovere valuerit, præter quod fætus ipse nil prorsus motu suo eo conferret.Quod dum stabilio, non id ago, ut in dubium vocem fibras hujus visceris musculares easq; CO-

copiosas & robustas, quæ partibus vicinis, præfertim musculis abdominis simul agentibus aptæ utique natæ funt, infignem in utero constrictionem præstandi ; ut taceam Cel. Ruysch. in tr. de muscul. in fund. uter. repert. nuperrime edito in eo occupatum effe, ut id ipsum multis & solidis argumentis adstrueret. Interim tamen experientia teste firmum etiam manet, foetum in utero mortuum partus difficilis causam plerumque existere, ideo quia ad exclusionem sui nihil prorfus contribuit. E contrario quantum motus ejus ad partum faciat, exempla foetuum mortua jam matre propriis unice viribus in lucem erumpentium haud obscure innuunt, de quibus vid. Cel. Vateri Difp. de part. homin. post matr. mort. Eidem quoque favent ea, quæ Cel. Ruyschius observavit, scilicet embryones in utero materno mortuos paulo post infigniter mutari, ita quidem ut colore cinereo tingantur, & postea aëri expositi caput potissimum collapsum sit vid. Advers. Anat. 2. Deinde apertura uteri p. n. tanta fuifse non videtur, ut constrictio ejus sola foctum prorsus nihil eo conferentem, neque ullo modo eluctantem è finu suo propellere potuerit. Denique si vel maxime hoc concedatur probabile non est, eundem tantum viæ emensum & usque ad hypochondrium finistrum progressum fuisse. Posterius vero, nempe quod, antequam lucem hanc vitalem viderat, non tam expirarit quam potius extinctus sit, contrariæ rationes eæque non infirmæ suadere videntur, quarum præcipua est, quod in corpusculo ejus, altero post ma-

06 (22) 30

OG (23) 50

matris mortem die examinato, epidermis undique, præprimis in facie, ubi tenuissima est à subjecta cute facile secedebat, id quod certissimum foctus ab aliquot diebus mortui signum venditari solet. Huic subjungo illam, quod verofimile fit à diuturnis & magnis uteri constrictionibus placentam à matrice avulsam debitum ipsi nutrimentum non suppeditasse, quem nutritionis defectum mors non potuit non presso pede insequi. Non minus idem probabile reddit, quod secundinis exclusus per aliquot dies in collo uteri hæsit, in quo loco utpote minus commodo ob compressionem cervicis infignem diu superesse vix potuit. Neque problema Harveanum, de quo §. antec. dictum, mihi contrariari quin potius favere videtur, quo posito illum fecundinis ab aliquot diebus exclusum absque respiratione vivere haud potuisse certum Et quod Ruyschii autopsiam spectat de eft. mutatione foctus post mortem, in propatulo quidem est, nostrum non cinereo sed ordinario colore, nempe albo rubente conspicuum, neque etiam collapsum fuisse; verum hoc tenendum etiam est, dexterrimum hunc Anatomicum de embryonibus tenellis & abortivis illam intelle-Stam velle. Quibus probe ponderatis fuspicor, fœtum nostrum, dum rupto utero cavitatem ab dominis intravit, vel non vixisfe, vel paucis horis post vita privatum ese, quia eidem illic existenti omnis nutritio, nec non respiratio in sanguine velut natanti denegata fuit.

S. IX.

§. 1X. Tertio loco quæri potest num capite primum Er ultimo pedibus è primo bospitio suo egressus fuerit infans noster? Equidem facile prævideo, plures hanc quæstionem magni momenti non esse ju-dicaturos & parum interesse, sive hac sive alia parte primum ex utero exierit; istam vero susque deque habendam non esse è sequentibus patebit. Est vero illa ipsa decisu facilis, si modo fitus, quem aperto matris abdomine adhucdum tenuit, quique in Historia descriptus est, accuratiore oculo inspiciatur. Si enim in memoriam mihi revoco capitulum in hypochondrio finistro locatum, truncum oblique deorsum ad inguen dextrum exporrectum & alterum pedem uteri collo insistentem, si etiam perpendo, eundem foetum instante partu caput primum obtulisse, uti ex relatione obstetriculæ, cui tanquam artifici hac in re credendum, quæque tactu illud exploravit, colligi potest, non postum non concludere, caput, quod in occursu erat & hiatui p. n. proximum primo omnium loco erupisfe. Cui addo, quod fi pedibus primum exiisset, præter quod situs longe diversus fuisset, post utri-usque humeri egressum à cervicis constrictione caput ob grandiorem, qua gaudere solet, molem in collo procul dubio permanfisset. Equidem si rationem consulo, illi quidem consentaneum magis est, pedes primum prorupisse, ex ea ratione, quia impetus, quem fœtus calcitrans in uteri substantiam facit, ruptionis causa non inepte statuitur, uti id ipsum casus notatu dignif-

06 (24) 50

06 (25) 50

gniffimus supra è Fabricio Hild. cent. 4. obf. 57. allegatus ob oculos ponit; è contrario caput, quod craffum & obtusium est, matricem æque perrumpere aptum natum non est ac pedes; instrumenta ratione tum configurationis, tum etiam motus sui, quem toto die in utero fieri nemo dubitat, hunc effectum producendi maxime accommodata. Quare uteri perruptio conceptu facilior esfet, si ab extremitatibus inferioribus producta illa fuisset; quia vero autopsia è supra dictis circumstantiis enata omni ratiocinio & conceptu potior est, hoc posthabito illi non poffum non fuffragari; hoc verbo adhuc annotans, casum, quem hic exhibeo, à pluribus aliis in eo discrepare, quod fœtuum aliqui altera tantum sui parte nimirum capite vel integro vel dimidio, aut brachio & pede nunc alterutro nunc utroque, aut corpore dimidio ex utero emerserunt, placenta vel in eodem relicta vel à fœtu in abdominis cavum pertrasta, uti in nostro hoc factum esse in historia indigitavi.

§. X.

Majoris meo quidem judicio momenti est quæstio quarta, nempe qua de causa uterus ita ruptus sit & an parturientis constitutio aliquid eo contulerit? in qua enodanda hoc tanquam firmum suppono, partum difficilem remotam hujus ruptionis causam utique fuisse, dum sœtus per vias ordinarias erumpere non valens insolitas & p. n. sibi ipsi paravit. Quare primo omnium inquirendum mihi esse videtur in rationes, ob quas partus difficilis factus. Cujus causa nunc D à sœ-

à foetu, nunc à matre ipsa, nunc vero ab obstetrice repetenda est; hanc ultimam studio hic prætermittens de eo magis solicitus sum, an foetui culpa quædam adscribenda sit, à qua is ex parte liberatur, si in memoriam quis sibi revocaverit, eum, quantum constat, debilem non fuisse, multo minus in principio mortuum, neque nimis magnum aut monstrosum, neque perverse in utero locatum, neque funiculo umbilicali circa collum & artus implicitum, folitarium etiam neque gemellum, non putrefactum, exficcatum aut in justo duriorem substantiam transformatum, non ultra legitimum tempus in utero detentum, insuper bene formatum fuisse, neque hydrocephalo laborasse; fic & secundinas, quæ pars foctus sunt, non firmiores fuisse earum disruptio debito tempore facta satis docet; neque funiculus justo brevior fœtui erupturo obicem posuit. Rarius ne dicam rarisfimum est, placentam parti uteri infernæ, ubi collum eft, post conceptionem adnasci, eoque fœtui viam occludere, quod ante aliquot dies infolito spectaculo visum hic est. Matrem quod attinet, quoad multa excusari illa potest; uterus quippe, quantum explorari potuit, male locatus non erat, non antrorium, retrorium aut ad latera inclinatus, de quo situ perverso apud Henr. à Deventer nov. lum. art. obstetr. plura reperiuntur; neque idem male conformatus, neque osculum præter morem crassum & prædurum erat, adeoque minus dilatabile, neque omnino clausum, uti in atretis fieri solet; neque scirrho aut excrescentia quadam ob-

06 (26) 50


obsession ; neque uterus in vaginam aut extrorfum prolapsus ; neque mola adfuit, neque calculus in vesica ; fic & mater non fuit morbosa, non gibbosa, non debilis, non delicatula, non primipara, non junior.

06 (27) 50

S. XI. Verum alia accidentia, quæ partui obicem posuere, allegari possunt. Ad quæ refero 1. quod annosa fuerit, nempe anno quinquagesimo propior, qua in ætate cartilagines & ligamenta rigidiora facta tam facile extendi nequeunt. 2. staturam, qua erat, exiguam, quæ duo incommoda post se traxit, quorum primum est justo minor osfium pubis & coxendicis distantia, ut & offis coccygis & facri antrorsum facta incurvatio, ejusque firmior & minus flexilis cum offe facro connexio, qua aqualiculus & viæ, per quas eniti fœtus debebat, angustiores redditæ foctui erupturo exitum denegarunt, præprimis fi foetus marúsero, feu latis humeris præditus fuerit annotante Petr. Foresto L. 28. obs. 70. Nota mihi est formina hujus loci è Nanorum seu pumilionum familia oriunda, quæ ob parvam corporis staturam sex quidem fœtus edidit, nunquam vero partu naturali, fed illi omnes mortui vel integri vel frustulatim manu chirurgica extrahendi erant. Subjungere placet observationem 190. Fr. Maurceau l. c. qua historiam forminæ tam exiguæ staturæ exhibet, & offa adeo propinqua, illudque coccygis ita antrorsum incurvatum, ut capiti infantis solito majori non in hoc tantum partu, in quo dexterrimus hic Operator auxiliatrices ipfi manus præbuit, fed D

red & tribus prægreffis exitus non pateret, illudque in fitum etiam naturalem aliquoties dispositum pristinum semper reciperet. Causam hujus rei folis aqualiculi angustiis adscribit, quæ impedierunt, quo minus embryo seipsum in matrice vertere, aut à se, qui obstetricandi munere fungebatur, debito modo verti potuerit; quod eo minus fieri potest, si osa innominata simul sumta ad alterutrum latus inclinant, utero licet recte locato, quod pariter bene annotavit à Deventer. 1. c. 2. incommodum à parva corporis mole proveniens erat, quod ingruentibus partus doloribus sella obstetricali, uti fieri debebat, inniti non potuit; unde factum, ut plerique naturæ conatus irriti fuerint, foctumque non rite promoverint. Posset vero quis regerere, modo di-&a, præprimis pelvis angustias & minorem offium hanc constituentium distantiam non adeo attendendas esse, quia compertum est, istam antea jam gemellos favente Lucina in lucem edidisfe. Sed respondeo 1. gemellos utpote mole minores plerumque facilius eniti, quam foetum solitarium, qui ordinario major est 2. ab illo tempore, quo primum peperit, ligamenta & cartilagines magis rigidas & minus flexiles redditas fuisse rationi consonum videtur. Quæ & similia declarant, quas ob causas difficilis fuerit partus, quarum plerasque recenset Exc. D. D. Dan. Nebel Diff. de extr. fæt. hum. ex uter. Heidelb. 1713. habit. Quid ergo mirum, si viis ordinariis minus patulis sed nimis angustis existentibus fœtus prorumpere laborans aliam eamque extraordinariam & p. n. quæsivit. S. XII.

05 (28) 50



Itaque delabor ad illas causas, quæ uteri ruptionem produxerunt, & fimul ad Quæstionem quintam, annon insignis cujusdam corruptionis vestigia in utero apparuerint? Eos etiam, quibus corporis humani structura non omnino incognita est, haud latet, cum matrice ita comparatum esfe, ut vel in fundo, vel etiam circa cervicem non raro inflammatione, ad quam valde proclivis eft, corripiatur, & huic dispositio vel cancrosa, vel gangrænosa quandoque superveniat. Cui malo varia occasionem præbent, quorum præcipua sunt diuturna foctus in ejus cervice mora tempore partus instantis, indeque vasorum & partium compressio orta, quæ in nostra parturiente pariter observata fuit, foctu ultra tres dies huic cervici impacto. Suum quoque symbolum eo confert rudior vel fœtus vel secundinarum extractio, quæ læsa ejus substantia stagnationem sanguinis & subsequentem inflammationem infert. Porro eo contribuit corpus peregrinum in utero diutius, quam par est, contentum e. gr. placenta uterina vel integra vel saltem notabilis ejus portio; nec non in caufa quandoque est lochialis fluxus vel ob aëris frigidioris ingressum vel ob aliam quamcunque causam suppresses. Ab his & fimilibus sanguinis stagnationem & ab hac inflammationem, post corruptionem natales suos ducere haud obscure colligitur & apud Observationum Scriptores annotatum legitur; præ aliis apud Fr. Mauriceau obs. sur la gross. & l'accouch. E. N. C. Dec. 2. ann. 7. obs. 10. & Cent.9. & 10. 036.

obs. 20. Verum omnes illæ, quæ ejusmodi mala incurrerunt, antea febre acuta, doloribus ventris, nec non duritie & tensione abdominis laborarunt; infuper humoris saniosi, toetidi, magis minusve rubicundi excretio post uteri hæmorrhagiam aut fluorem album acceffit, quam hæmorrhagiam in fœminis menstrua ob ætatem non amplius expertis dispositionis uteri ulcerofæ vel cancrosæ, nec non brevi subsecuturæ mortis signum effe idem experientia edoctus affirmat. Nostra è contrario de nullo dictorum symptomatum conquesta unquam est, uti nec constat, eam Lei quid ab impuro concubitu contraxisse. Ei tale quid temere imputare nolo, quia vero antea jam gemellos utero gestavit, adeoque illicitæ li indulsit, eam non ab omni labe immunem fuisse suspicor, que tamen tanta non fuisse videtur, ut notabile malum utero affricaret.

06 (30) 50

S. XIII.

Quibus rite confideratis mihi perfualum eft, nullum in utero vitium p.n. antea fuille (fi levem inflammationem, tum à compressione uteri, tum etiam ab aëre per aperturam p. n. abdomen subeunte ortam excipias) sed continui solutionem, quam in illo post mortem videre licuit, setui adfcribendam esse, qui motu fortiore (à quo membra setus quandoque luxantur, vid. E. N. C. Dec. 2. ann. 9. obf. 115.) calcitratione & conatu erumpendi tantum in hoc viscus impetum fecit, ut tenera & mollis ejus substantia eidem ressistere haud valuerit. Huic cause adjungo uterum ipsum, ejusque tam constrictionem extraordinariam in diu-

06 (31) 50 diuturnis partus laboribus, quam texturam; quæ in gravidis valde laxa, mollis atque spongiofa eft, quia ob infignem affluxum multum languinis veluti spongia imbibit & intra poros suos recepit, vasis ejus mirum in modum turgentibus, uti id in partu demortuis observare licet. Neque tantum spongiosa est ejus structura, sed & sinuosa, cellulosa & cryptis sinubusque referta, quæ antea in non gravidis dura, denfa & compasta fuerat, quod Exc. Abrab. Vater Diff. de uter. gravid. Witteb. 1725. babit. præ aliis demonstrat; cui fuffragatur Job. Fantonus Anat. Corp. Hum. Diff. 10. de utero gravido hunc in modum loquens : fungosa textura ejus apparet ceu multis cavernulis veluti lienaribus cellulis intercepta, quæ invicem uti in liene communicare videntur; quas cellulas diversa figuræ & magnitudinis in gravida 8. menfium pariter observavit Cl. Littrius. Hos sinus anfractuosos in quolibet utero, à quo placenta modo separata fuit, oculis facile se sistere, atque uterum, qui multum sanguinis intra substantiam suam alit, molliorem & spongiosiorem reddere certum est. Non vero æque constat de majore vel minore ejusdem crassitie in gravidis, aliis, nempe Graafio, Bobnio & Deventrio illam ratione & experientia stabilientibus, eamque in enormi expansione non imminui mirantibus, aliis è contrario matricem tempore graviditatis tenuiorem reddi contendentibus, quorum placitis Fr. Mauriceau, Stalp. van der Wiel & Petr. Dionis adstipulantur. Meam non facio hanc litem paucis folum annotans, non tantum crassitiem aut tenuitatem, sed & momolem & magnitudinem confiderandam effe,quæ si cum illa conferatur consentiente avtopsia asseri posse, uteri parietes in gravidis tenuiores in se non fieri, sed quia majus in volumen extensus ille est, tales videri intuentibus; aut vice versa eosdem absolute loquendo non incrassari, quod si vero in memoriam nobis revocamus, corpora naturalia dilatata plerumque attenuari, id ipfum vero in utero non animadvertimus, eum hoc faltem respectu crassiorem evadere affirmari salva veritate potest. Quod vero collum ejus & osculum internum attinet, illud quod craffum alias & compactum est, in partu multum attenuari a nemine facile negabitur. Supra allegatas uteri rupti causas, nempe fortiorem fœtus motum & enitendi nisum, magnam uteri constrictionem, mollemque ejus fabricam in gravidis fuse deducit Fr. Bayle 1. c. Diff. 6. addens aliam, quæ in Tolofano locum habuit, scilicet terrorem, quo animus matris in urbe peste afflicta continuo agitabatur.

J (32) 50

§. XIV.

Sexto inquirendum etiam est in causam, ob quam parturiens nostra, quæ antea pro eo statu, in quo erat, satis bene sese babebat & vivido vultu conspicua erat, tam subito mutata cadaverosam faciem induerit. & bis vel ter convulsionibus correpta fuerit? Earum non una allegari potest, & quidem 1. quod natura hominis, quo robore etiam & vigore gaudeat, à diuturnis atque perpetuis fere doloribus atque laboribus, quales in partu præprimis difficili vel sendem-

demque succumbat; cui accedit, quod in subjecto nostro utpote muliebri & minoris staturæ magnum adeo robur admitti vix possit, utut facies vigorem præ se tulerit. Addo, læsionem visceris nobilioris teneriorisque structura, quale uterus eft, vel simplicem vel cum aliquali inflammatione conjunctam non potuisse non notabilem in M.S. alterationem parere, cujus crafis infigniter vitiata plura symptomata tardius vel citius post fe trahit. Ut taceam, uteri vulnera illo potiffimum tempore, quo mulieres utero gestant, à Medicinæ Forensis Scriptoribus pro lethalibus venditari, ideo maxime quia tum ob substantiam spongiosam, tum etiam ob vasa ejusdem cruore multum turgentia hisce læsionibus insignis sanguinis effusio supervenit, id quod in vulneribus hepatis, lienis &c. profundioribus experientia toto die testatur; quæ notabilis sanguinis copia partim ex utero partim è placenta extillans & in cavitatem abdominis effufa ad mutationem tam subitaneam magnum procul dubio momentum attulit. His fi jungo extraordinariam ventriculi & intestinorum, hepatis item atque lienis compreisionem, nec non vasorum sanguiferorum reliquorumque canalium coarctationem, quam inquilinus iste ruptis repagulis in abdominis cavum erumpens produxit, dubitare non licet, dictorum viscerum functiones labefactatas & sanguinis reliquorumque humorum circulum impeditum esse, unde non potuit non infignis in œconomia catastrophe contingere. Vuitus tanto magis infigniter immutatus, quo magis rebus fic stantibus animus E

an-

anxius, dejectus & de infelici successu solicitus erat; in confesso quippe est vultum animi januam esse & faciem morborum indicem, quid ergo mirum? si dicta animi solicitudo in hac velut in speculo se conspiciendam præbuit. Qualis enim fanguis, talis facies, qualis facies, talis fanitas, unde & facies Hippocratica à Coonostro pranot. c. 2. descripta & in moribundis sele offerens Medicis Clinicis non raro obversatur. Convulsiones, quæ supervenerunt, inde explicari possunt, quod principium vitale omnes vires intendit, hospitem valde molestum exturbandi, uti iisdem corpus sæpius concuti videmus, si quando istud vel dentium expulsionem vel exanthematum excretionem molitur. Quodfi vero quis modo allegatas rationes in dubium vocet & quærat, qu' factum, ut alij foetus, quorum supra S. 2. mentionem feci, præprimis Muslipontanus & Tolosanus per plures annos in abdomine hospitati fuerint, matre diu superstite neque magnam alterationem experta, ei respondeo, decisu difficile admodum esfe, quare posita eadem causa idem effectus secutus non fuerit. Si mea hac de re cogitata in medium proferre licet, aliquam horum casuum differentiam à nostro deprehendo, quæ in eo consistit, quod 1. in illorum aliquibus, e. gr. in Muffipontano uterus integer erat & nulla continui folutio in eo, uti in nostro casu occurrebat, quod supra §. 2. annotatum est, qualem læsionem lethalem esse modo innui. 2. In quibusdam eorum rudimentis fœtus cum ovulo in abdomen delapsis extensionem & compressionem partium successivam

• (34) €

vam fuisse, quæ, licet enormis quandoque, non tantam alterationem infert, ac si eadem in momento velut & uno impetu contingit, uti id in dilatatione cutis apud hydropicos, in tumoribus tunicatis aliisque observamus.

§. XV.

Septimo haud abs re est, quæstionem movere, annon fætus noster in partu per aliquod tempus bærens manu chirurgica extrahi, vel operatione cæsareg exscindi, adeoque & mater & fætus simul vel saltem alterutrius vita salvari potuerit ? In qua decidenda non inficias eo, embryulciam, quia vires parturientis & nisus eliminando foctui impares videbantur, locum habere potuisse, qua cautum forsan esset, ne uterus disrumperetur. Quia vero situs embryonis, quantum ex obstetricis relatione patet, naturalis prorsus erat, huic vitio verti non poteft, quod exclusionem spontaneam expectare, neque, uti perversus apud aliquas mos obtinuit, præcipitem nimis manum operi admovere voluit. Brevi post occasio, quæ Hippocratis effato Sect. 1. aph. 1. præceps eft, è manu velut elapía fuit, doloribus quippe evanescentibus & capite surfum retracto foctus uteri cervicem mox perrupit atque sic manus obstetricias effugit. Postquam vero ruptis repagulis in abdominis cavum transiit, illum servari utique potuisse prima fronte videtur, si celeri manu & festinata integumentorum sectione ex abdominis latebris in lucem protractus fuisset, idque vel vivente adhuc matre, vel eadem jam mortua ; illud eum in finem, ut si in artis potestate positum fuisset, tam hæc

E

hæc, quam etiam iste letho eriperetur, aut saltem, si prius obtineri non potuerit, fœtus ad minimum servaretur. Et sane res est majori, quam hactenus factum, attentione dignissima, nempe plures infantes superfuturos, si frequentius ipsa hæc operatio cæsarea institueretur, uti id in Diff. pec. Pras. Exc. Dn. D. Laur. Heistero Supra S. 5. alleg. rationibus Theologicis, Legalibus & Medicis stabilitur, scilicet fœtum ex utero matris mortuæ mature exscindendum esse. Sunt quidem non pauci, qui operose contendunt, hanc sectionem administrari in corpore vivo falva manente matre haud posse, è quibus sæpius allegatus Mauriceau de morb. gravid. l. 2. c. 32. illam excessum inhumanitatis, crudelitatis & barbariei vocat, & qui eam exercent, temerarios appellat & opinioni suæ præconceptæ nimium inhærentes; item quæ Roussetus de illa habet, nil nisi deliria & imposturas esse pronunciat, neque ullam, in qua instituta fuit, supervixisse audacter asserit, cui suffragatur Guillemeau miratus eorum credulitatem, qui hujus operationis veritatem & felicem successum aliis persuadere volunt. Sic & Corn. Solingen Operat. part. 3. c. 42. fatetur, fe non audere illam suscipere, quia quinquies ipsi infeliciter cellit. conf. Viardel, Dionis, Varandæum &c. Econtrario alij ratione & experientia id stabilitum eunt, inter quos refero Fr. Roussetum Gallum, cujus liber à Casp. Bauhino latinitati donatus & anno 1591. Basileæ in lucem emissus eft, Thom. Fienum Chir. tr. S. Henr. de Roonbuysen lib. 2. obs. 1. Et quod experientiam attinet, modo citatus

06 (36) 50

06 (37) 50

tatus Roussetus plura exempla eorum, qui ope hujus operationis in lucem protracti fuerunt, præprimis Julij Cæfaris & Scipionis Africani à priore illa nomen accepisse fertur, rectius hic posterior primum Cæsaris nomine apud Romanos salutatus fuit. conf. Plinij Hist. Nat. 1.7. c. 9. reliquis recensendis, quia id ab aliis jam factum eft, supersedeo, hoc solum adjiciens, quod Ol. Rudbeck hac fectione in propria conjuge admini-Arata maximam fibi famam comparaverit, vid. Monatlich. Unterred. 1689. & Abrah. Cyprianus historiam fœtus humani post 21. menses ex uteri tuba excifi matre falva & superstite Act. Erud. Lipf. 1701. menf. Febr. exhibeat; alios casus vid. ap. Fabr. Hild. cent. 6. obf. 63. & ep. resp. ad Doering de part. caf. Mauric. 1. c. obf. 315. Or 593. Valet hic Physicorum axioma', frustra laborare rationem, ubi experientia reclamat, hanc, utut à negantibus etiam afferatur, à partibus corum, qui istam statuminant, stare in propatulo est. Sed rariora esfe exempla earum, in quibus feliciter administrata fuit, non inficior, adeoque eam ad illas operationes, quæ facilius in cathedra & charta quam in corpores humano instituuntur, referendas esse censeo.

S. XVI.

Quodsi vero quis præstractæ adeo mentis est, ut experimentis hanc in rem factis fidem denegare perfistat, ei in memoriam revoco, hoc faltem in dubium vocari haud posse, quod operatione cæsarea servari sætus queat, sicubi illa, quamprimum mater expiravit aut ultimum halitum ducit,

E 3

06 (38) 50

cit, absque ulla mora administretur, atque had ratione, si matrem à morte liberare in artis potestate non est, saltem vitæ embryonis confulatur vid. Varandæum de morb. mul. l. 2. c. 6. hinc Rod à Castro 1. 4. c. 3. de morb. mul. vult, ut hæc operatio antequam mater plenarie expiret, adornetur, au faltem omnia præparentur, ut illico post mor tem fieri possit. Quod vero aliqui objiciunt, sign mortis vel in matre vel in fœtu incerta han festionem diffuadere, & quidem quod foctum at tiret, istius motum quandoque non percipi, it ut ab expertissimis quibusque pro mortuo ha beatur; quod vero matrem spectat, in illa, ma xime si suffocatione hysterica simul laborat, nul la subinde vestigia vitæ animadverti. Poterit erge Medico vel Chirurgo idem contingere, quod Vesalio, uti id in vita ejus ab Adamo confignat perhibetur, accidit, ut nempe viva pro mortu cultro subjiciatur. Sed respondeo ad prius; si ve maxime fectio inftituatur foetu adhuc vivent nihil male inde in eum redundat, quin potiu operatoris intentio adimpletur, quæ eft vivun protrahere; fi vero mortuus ille fuerit irritu quidem labor est, sed nec foctui nec matri, quan defunctam suppono, noxam infert; imo judicant Greg. Nymanno de vit. fæt. in uter. centum præ gnantes irrito labore incidere præstat, quam se mel permittere, ut fœtus vivus in utero mater no misere pereat & luce privetur. Quoad poste rius re probe examinata certa in matre figna vi tæ dari arbitror, neque, fi res dubia fuerit, tan ta festinatione opus est, si, quod multi conten dunt

1\$ (39) **5**(**•**

lunt, fœtus propria vita gaudet, adeoque ad horæ integræ fere spatium intra uterum matris mortuæ superesse potest, uti id fætus post morem matris exclusi & supra §. 8. citati abunde loquuntur. conf. E. N. C. Dec. 3. ann. 3. obf. 44. & unn. 4. obf. 83. & 171. & Mauric. 1. c. obf. 343. octus 15. vel 16. horas à matris obitu superstitis meminit: Sic & à Rejes Elys. Jucund. Quast. camp. mast. 79. matre mortua foctum statim perire nerat. Quamvis ergo non contrarius sim iis, qui operationem cæfaream in usum vocandam effe uadent, nihilominus hanc enchiresin in nostro ubjecto locum non habuisse existimo eo, quia verosimile est, soctum, uti supra innui, vel ante vel mox post ejus in abdomen transitum vivere lesisse, matremque huic per notabile tempus supervixisse; quæ mihi persuadent sectionem cæaream, si vel maxime suscepta fuisset, irritam & frustraneam fuisse, adeoque & operatorem finem fuum affecutum non effe concludo. Sed ne Differtationis Academicæ limites transgrediar vela contrahens Archiatro Cœlesti humillimas pro conceffis viribus grates rependo.

FINIS.

Explicatio Figurarum.

Fig. I.

- a Corpusculum foetus oblique in abdomine situm.
- b Caput in hypochondrio sinistro locatum, quod sub intestino colo magna ex parte latuerat.
- cc Nates in regione pubis sitæ, quarum dextra media ossis pubis insistebat.
- ddd Placenta uterina, quæ in hypochondrio dextro locata erat sed facta cadaveris apertione deorsum delapsa est, cum annexo funiculo umbilicali e
- fff Intestina sursum reclinata imprimis colon gg un totum embryonis corpusculum imprimis caput intuentibus pateat.
- hh Portio Omenti pariter sursum reclinata. ii Pars fundi ventriculi.
- 111 Peritonæum cum communibus infimi ventris integumentis discissum & reclinatum.

Fig. II.

a Uteri fundus.

- bb Ligamenta ejus teretia seu rotunda.
- c Cervix seu collum matricis.
- dd Membrana uteri exterior separata & reclinata. e Vagina uteri.
- E f Apertura seu biatus p. n. in cervice, 3. digitis transversis supra osculum internum, per quem soctus ex utero prorupit & in abdomen transiit.





NOBILISSIMO DOCTISSIMOQUE DN. CANDIDATO JOANNES SALZMANN, D. h. t. Ordinis Medici DECANVS.

Eungarter !

Ippocrates vita hujus conditionem omnium atatum hominibus communem descripturus in post. ad Damaget. Epist. in hac verba erumpit: I otus homo exnativitate morbus est. Quo velut è tripode dicto digitum intendit ad morborum multitudinem, quam Plinius Hist. Natur. libr. 7. c. 51. infinitam esse judicat, quibuscum Creaturarum nobilissime à primo vita momento ad ultimum usque halitum subinde conflictandum est, quique nos miseros ad tumulum comitantur. Longe autem abest, ut Dogmatica Medicine Parens nimium hoc ipso dixisse videatur, quin potius non satis miseriarum allegasse censebitur ab iis, qui Experientiam optimam rerum magistram consulunt, utpote que exemplis haud oppido raris demonstrat, non modo à nativitate, sed & in partu, & quod magis est, ante eundem quandoque hominem morbum imo & mortem esse, si quando embryo adhuc vel in utero materno diversis jam malis expositus est, vel ex ergastulo hoc suo enitenti exitus pracluditur, adeoque jucundissima lucis hujus usura, antequam illam viderat, privatur, tumulumque, dum genitrici parat, ipse inve_

invenit. Tu, NOBILISSIME DN. CANDIDATE, in presenti Specimine Inaugurali luculentum hujus rei documentum nobis prabes, non modo aliorum observata hinc inde in monumentis annotata proferendo, sed rariorem de Vtero rupto, fætug per hiatum p. n. in abdomen prorumpente casum, quem intueri Tibi contigit, Lectori exhibendo. Vti institutum hoc Tuum Doctis non displiciturum & praconio dignum judico, ita cum in eo jam sis, ut pro ingenij Tui fætu, quem laborioso partu edidisti, tanquam pro aris & focis pugnes, opto simulque spero, Te cum Auditorij applausu id prastiturum utig esse. Gratulor ergo Tibi de hoc pariter labore ac de utrog, Examine Doctorali cum laude exantlato, gratulor Experientissimo DN. PARENTI Tvo, quem Optimum nunquam non expertus es, atg animitus voveo, ut bonis avibus ad patrios lares redux Hujus spem Patriag, expectationem rite sustineas, SERENISSIMIQUE PRIN-CIPIS gratiam, qua laudatus Dn. Parens Tvvs à pluribus abbinc annis eximie fruitus est, etiam atg etiam merearis. Ita fiet, ut omnium Votorum Tuorum compos ex alle evadas. Qua spe & voto nunquam excides, si ftudiis Tuis Pietatem & Decorum Medicum felici connubio junxeris. Quod superest, id quod Tibi primo statim verbo acclamavi, & hic ultimo re peto, Tibig, in omni actione commendo, to sungatien Vale. Perfcr. Argentor. die IV. Id. Oct. clo locc XXVI

●§)0(\$€

</

M Aturum ingenij foetum, gaudemus, Amice, Profers, de foetu doctaque verba facis. Felix cui talis contingit terra Machaon, Gnatum quem dignum judicat Ars Medica.

> Nobilissimo atque Doctissimo DN. CANDIDATO de obtento honore gratulabundus cum votu perpetuæ prosperitatis hæc apposuit

> > Georg. Samuel Bechtold, Berolin. Med. Cand.

Das Rind/ so gans verkehrt sich zur Geburt geschickt/ Durch selbst gemachten Weg auf Erden wollte kommen; Doch in dem Labyrinth der Mutter sich verstrickt/ Und so das Leben hat Ihr und Ihm selbst genommen; Dasselbe stellt Dein Fleiß der Welt als leben für/ Du ziehst es auß dem Schooß der Mutter und der Erden; Man rühmet diese Schrifft und schließt darauß von Dir/ Seht diß bey Todten an/ was wird bey Krancken werden?

> Dieses wolte ben herrn Candidaten gluck. wunschend benseten

> > J. F. Cassebohm. Berolin. Med. Cand.

 Ngenij veros aperis, Dulciffime, Fontes, Dum de Utero rupto nos meliora docens
Differis, Invidiâ rumpantur ut Ilia Codro, Utque Tuis Votis uberiora feras.
Gratulor; ingenuos Uterus Tibi fundet Honores, Atque laboranti Gloria Partus erit.

Hacce paucula Nobiliff. atque Præftantiff. Dn. Candidate Amico fuaviffimo, adjungere voluit

> S. S. Wegelin, Med. Cult. Sangallo-Helvetus. Opp.

> > Dum

DUm fic, mi Pistor, docto miracula Fœtus Monstras ingenio, præmia digna feres, Ac erit, ut Patriz, qua nil est suavius, olim Utilis auxilio confilioque fies.

Hisce Dottiff. DN. Candidato Amico & Conterrance desideratissimo gratulabundus sese comendat

> C. E. Andreæ, Med. Cult. Stuttg. Würtemb. Opp.

Ulta vetusta remotis eduxere latebris Eximia digni posteritate Viri. Multa refodére Hippocrates doctusque Machaon, Nomina qua nulla posteritate cadent. At Scriptis his, TE longe abditiora docere Perdocet ingenium, Fætus & hicce Tuus. Perge Artis Medicæ causas tentare latentes, Perge & Pieriis invigilare Choris. Sie nova sufficies tandem mortalibus ægris Gaudia, Pandoræ quæ periere dolo. Sic TE quis PISTOR quis terque quaterque beatum Facundæ Natum Palladis effe neget? Affectus testandi ergo adjecit Anhorn de Hartwifs, Sangallo-Helvet. Ktollat Medicos mortalis honore decenti, Illis nam gaudet quisque labore gravis. Est etenim Dominus Medici celeberrimus auctor A Summo dulcis nam Medicina fluit, Hinc in conspectu Regum laudabitur omnis Artis qui medica Doctor amicus abit. Sic Tu Delicium fis Principis atque Tuorum Quando coronabit tempora Apollo TUA Carmina nostra TUIS damus his inferta pagellis Nomina fint nostro dedita corde TUA. Hifce Nobiliff. Prastantiffimoque DN. Candidato Amico suo astumatissimo accinere voluit

J. G. Scherb, Med. Cult. Episcopicello-Helvet.

os)*** (30.